



## Persónuverndaryfirlýsing Súðarvíkurhrepps

Öflug persónuvernd er Súðarvíkurhreppi kappsmál og leggur sveitarfélagið mikla áherslu á að virða réttindi einstaklinga og að öll meðferð persónuupplýsinga sé ávallt í samræmi við lög um persónuvernd og vinnslu persónuupplýsinga nr. 90/2018 (hér eftir „persónuverndarlög“).

Þegar vísað er til Súðarvíkurhrepps í persónuverndaryfirlýsingu þessari er einnig átt við stofnanir, nefndir og ráð á vegum þess. Þá gildir yfirlýsingin einnig í þeim tilvikum er þriðja aðila hefur verið falin verkefni eða starfsemi á vegum sveitarfélagsins.

Hjá Súðavíkurhreppi er unnið með persónuupplýsingar í tengslum við rekstur og þjónustu sveitarfélagsins. Unnið er með persónuupplýsingar íbúa og skjólstæðinga sveitarfélagsins auk samstarfsaðila, birgja, verktaka og einstaklinga sem eru í forsvari fyrir lögaðila sem eiga í viðskiptasambandi við sveitarfélagið.

Með persónuverndaryfirlýsinu þessari er greint frá því hvernig Súðavíkurhreppur, kt. 630269-4589, Grundarstræti 1, 420 Súðavík (einnig vísað til sem „sveitarfélagið“ eða „við“), stendur að vinnslu, s.s. söfnun, skráningu, vistun og miðlun persónugreinanlegra upplýsinga um einstaklinga (hér eftir einnig „þú“).

Yfirlýsing þessi nær til íbúa, þjónustuþega og annarra skjólstæðinga sveitarfélagsins. Yfirlýsing þessi nær einnig eftir atvikum til annarra einstaklinga, t.d. þeirra sem eiga í samskiptum við okkur og þeirra sem heimsækja skrifstofur og heimasíðu Súðavíkurhrepps. Þá nær yfirlýsingin einnig til tengiliða viðskiptamanna, birgja, verktaka, ráðgjafa, stofnana og annarra lögaðila sem sveitarfélagið er í samningssambandi við. Framangreind upptalning er þó ekki tæmandi.

Um vinnslu á persónuupplýsingum starfsumsækjenda og starfsmanna Súðarvíkurhrepps er fjallað um í sérstökum persónuverndaryfirlýsingum. Persónuverndaryfirlýsing var staðfest á 6. aukafundi sveitarstjórnar þann 23. júní 2023 og birt á heimasíðu þann 5. september 2023. Þá er einnig fjallað um vinnslu persónuupplýsinga Súðavíkurskóla sérstakri persónuverndaryfirlýsingu.

Yfirlýsing þessi fjallar einkum um vinnslu persónuupplýsinga þegar:

- Einstaklingar sækja um ýmsa þjónustu á vegum sveitarfélagsins
- Einstaklingar hafa samband við okkur, hvort sem það er í gegnum bréfpóst, tölvupóst, vefsíðu eða samfélagsmiðla
- Einstaklingar koma fram fyrir hönd lögaðila sem sveitarfélagið er í samningssambandi við
- Einstaklingar heimsækja heimasíðu okkar, [www.sudavik.is](http://www.sudavik.is), eða samfélagsmiðlasíður okkar
- Sveitarfélagið ákveður og innheimtir þjónustugjöld
- Sveitarfélagið ákveður og innheimtir fasteignagjöld
- Sveitarfélagið sinnir lögboðnu eftirlitshlutverki

### Hvaða persónuupplýsingum safnar Súðavíkurhreppur um þig?

Súðavíkurhreppur leggur áherslu á að vinna einungis þær persónuupplýsingar sem nauðsynlegar eru í samræmi við þann tilgang sem liggar að baki söfnun upplýsinganna hverju sinni og í samræmi við ákvæði persónuverndarlaga. Við vinnum því ekki persónuupplýsingar frekar í óskyldum tilgangi nema einstaklingi sé tilkynnt um slíkt og þá heimild sem vinnslan byggist á.



Ólíkum persónuupplýsingum kann að vera safnað eftir því hvort þú ert í persónulegum í samskiptum við sveitarfélagið eða hvort samskiptin eru fyrir hönd lögaðila. Undir tilteknun kringumstæðum er sveitarfélagini nauðsynlegt að vinna viðkvæmar persónuupplýsingar um einstaklinga en sérstök aðgát skal höfð við vinnslu slíkra upplýsinga. Vinnsla persónuupplýsinga fer samkvæmt framangreindu eftir eðlis þess sambands sem þú átt við Súðavíkurhrepp.

Súðavíkurhreppur vinnur, eins og við á hverju sinni, einkum eftirfarandi persónuupplýsingar:

- auðkennis- og samskiptaupplýsingar, s.s. nafn, kennitala, heimilisfang, netfang, símanúmer,
- upplýsingar um tengsl einstaklinga við lögaðila sem eru í viðskiptasambandi við sveitarfélagið, s.s. starfstíll, vinnustaður og vinnunetfang,
- samskiptasaga, s.s. upplýsingar úr samskiptum sem þú velur að eiga við sveitarfélagið, s.s. bréf, tölvupóstar, skilaboð í gegnum vefviðmót eða önnur samskipti
- greiðsluupplýsingar, s.s. upplýsingar um bankareikninga, virðisaukaskattsnúmer og dagsetningar á framkvæmdum eða móttaknum greiðslum,
- tæknilegar upplýsingar, s.s. IP tölu þeirra sem heimsækja vefsíðu sveitarfélagsins
- stafræn fótspor, s.s. nethegðun

Í ákveðnum tilvikum þarf sveitarfélagið að vinna með viðkvæmar persónuupplýsingar, svo sem um heilsufar eða þjóðernislegan uppruna. Vinnsla slíkra upplýsinga fer eingöngu fram á grundvelli lagaheimildar eða ef uppfyllt eru lagaskilyrði fyrir vinnslu viðkvæmra persónuupplýsinga.

### Í hvaða tilgangi vinnur Súðavíkurhreppur persónuupplýsingar um þig?

Öll vinnsla Súðavíkurhrepps á persónuupplýsingum fer fram í skýrum tilgangi og byggist á lögmætum grundvelli samkvæmt persónuverndarlögum, upplýsingalögum nr. 140/2012, stjórnsýslulögum nr. 37/1993 og öðrum lögum sem eiga við starfsemi sveitarfélagsins.

Súðavíkurhreppur leggur áherslu á að vinna einungis þær persónuupplýsingar sem nauðsynlegar eru í samræmi við þann tilgang sem liggur að baki söfnun upplýsinganna.

Til þess að tryggja að unnið sé með persónuupplýsingar í samræmi við meginreglur persónuverndarlaga veitir sveitarfélagið starfsfólki sínu fræðslu og þjálfun í því skyni að skapa almenna og góða þekkingu á því hvernig skuli umgangast slíkar upplýsingar, meðferð og vinnslu persónuupplýsinga, og hvernig gætt skuli öryggis þeirra á vettvangi Súðavíkurhrepps.

Sveitarfélagið vinnur persónuupplýsingar einkum í þeim tilgangi að:

- Uppfylla skyldur sveitarfélagsins á grundvelli laga sem gilda um rekstur og þjónustu sveitarfélaga.
- Bregðast við fyrirspurnum og ábendingum frá einstaklingum.
- Vegna samningssambands sem sveitarfélagið er í, t.d. við vertaka, birgja eða aðra, eða til að koma slíku samningssambandi á.



## Lagalegur grundvöllur fyrir vinnslu persónuupplýsinga

Súðavíkurhreppur ber ábyrgð á því að tryggja að heimild sé fyrir vinnslu persónuupplýsinga. Til að vinnsla sveitarfélagsins á persónuupplýsingum teljist lögmæt þarf að minnsta kosti eitt eftirfarandi atriði að eiga við:

- Hinn skráði einstaklingur hafi gefið sveitarféluginu samþykki fyrir vinnslu persónuupplýsinga.
- Vinnslan sé nauðsynleg vegna samningssambands sveitarfélagsins við tiltekin aðila.
- Vinnslan sé nauðsynleg vegna þeirra lögbundnu skyldna sem hvíla á sveitarféluginu við starfsemi þess og rekstur.
- Vinnslan sé nauðsynleg til að vernda brýna hagsmuni hins skráða eða annars einstaklings.
- Vinnslan sé nauðsynleg vegna verks sem unnin er í þágu almannahagsmuna eða við beitingu opinbers valds sem sveitarfélagið fer með.
- Vinnslan sé nauðsynleg vegna lögmætra hagsmuna sem sveitarfélagið eða þriðji aðili gætir, t.d. vegna eftirlits með eignum sveitarfélagsins eða í öryggisskyni.

Sveitarfélagið vinnur fyrst og fremst með persónuupplýsingar til að sinna lögbundnum og lögheimilum hlutverkum sínum. Þá vinnur sveitarfélagið jafnframt persónuupplýsingar vegna samningssambands sem sveitarfélagið er í t.d. við verkata, eða til að koma slíku samningssambandi á.

Hér að neðan má sjá nánari útlistun á vinnslu persónuupplýsinga sem á sér stað hjá sveitarféluginu samkvæmt yfirlýsingu þessari, þ.m.t. hvaða persónuupplýsingar unnið er með og lagagrundvöll sérhverrar vinnslu:

### Þegar einstaklingur heimsækir heimasíðu okkar

Þegar einstaklingur notar heimasíðu Súðavíkurhrepps, [www.sudavik.is](http://www.sudavik.is), safnar sveitarfélagið upplýsingum um notkun hans, þ.e. IP-tölu, tegund eða útgáfu vafra sem hann notar, tímasetningu og tímalengd heimsóknar og hvaða undirsíðu viðkomandi heimsækir innan heimasíðu Súðavíkurhrepps. Hér má finna nánari upplýsingar um notkun sveitarfélagsins á vafrakökum (e. cookies)

### Þegar einstaklingur sendir okkur erindi, þ.m.t. fyrirspurn, ábendingu eða kvörtun

Hver sem er getur sent erindi til Súðavíkurhrepps. Vinnur sveitarfélagið þá gjarnan persónuupplýsingar í þeim tilgangi að afgreiða erindið en heimild til vinnslunnar getur ráðist af eðli erindis hverju sinni. Almennt byggir heimild til vinnslunnar á laganauðsyn eða lögmætum hagsmunum sveitarfélagsins af því að vinna úr innsendum erindum. Heimild til þessa er í 3. og 6. tl. 1. mgr. 9. gr. persónuverndarlaga.

### Þegar einstaklingur sendir inn umsókn

Hjá Súðavíkurhrepp geta einstaklingar sent inn umsóknir af ýmsu tagi. Umsóknir innihalda alla jafna óskir um þjónustu, aðstoð, gjaldtöku eða leyfi fyrir tiltekinni aðgerð. Unnið er með upplýsingar sem einstaklingur lætur af hendi í umsóknarferli. Réttur umsækjanda til framangreinds er ávallt ákveðinn með lögum. Súðavíkurhreppur vinnur fyrst og fremst með persónuupplýsingar í þeim tilgangi að leggja mat á og taka ákvörðun um rétt umsækjanda. Heimild til vinnslu persónuupplýsinga byggir í þessum tilfellum á nauðsyn til þess að uppfylla lagaskyldu og/eða nauðsyn vegna verks sem unnið er í þágu almannahagsmuna eða við beitingu opinbers valds sem sveitarfélagið fer með. Heimild til þessa er í 3. og 5. tl. 1. mgr. 9. gr. persónuverndarlaga.



### Þegar sveitarfélagið greiðir út samþykktar umsóknir um framfærsluúrræði

Í tengslum við útgreiðslu samþykktra umsókna um framfærsluúrræði vinnur Súðavíkurhreppur með nauðsynlegar persónuupplýsingar um rétt einstaklinga til fjárhagsaðstoðar og sérstaks húsnæðisstuduðnings. Eingöngu er unnið með upplýsingar um nafn og kennitölu einstaklings auk upplýsinga um rétt til framfærsluúrræðis og bankaupplýsingar. Með þessar upplýsingar er unnið á grundvelli lagaskyldu, þ.e. lögum nr. 40/1991 um félagsþjónustu sveitarfélaga. Heimild til þessa er í 3. tl. 1. mgr. 9. gr. persónuverndarlaga.

### Þegar einstaklingur eða vinnuveitandi hans á í viðskiptasambandi við okkur

Súðavíkurhreppur á í viðskiptasambandi við ýmsa aðila, svo sem þá sem selja sveitarféluginu sérfræðiþjónustu, úthluta búnaði eða taka að sér ákveðin verk. Til þess að slíkt viðskiptasamband gangi upp verður sveitarfélagið að vinna með persónuupplýsingar. Þegar einstaklingur veitir þjónustu í eigin nafni byggir heimild vinnslunnar á 2. tl. 1. mgr. 9. gr. persónuverndarlaga, þess efnis að vinnsla sé nauðsynleg til þess að efna samning. Þegar einstaklingur kemur fram í nafni fyrirtækis byggir vinnslan á lögmætum hagsmunum sveitarfélagsins af því að geta átt í samskiptum við birgja, samstarfsaðila og verktaka. Heimild til þessa er í 6. tl. 1. mgr. 9. gr. persónuverndarlaga.

### Þegar þjónustugjöld eru ákveðin og innheimt

Súðavíkurhreppur hefur í mörgum tilfellum heimild samkvæmt lögum til að ákveða og innheimta gjöld fyrir þjónustu sem sveitarfélagið veitir íbúum sínum. Þegar innheimta þarf slíkt gjald er sveitarféluginu nauðsynlegt að vinna með persónuupplýsingar og byggir heimild til þess á 5. tl. 9. gr. persónuverndarlaga.

### Þegar fasteignaqjöld eru ákveðin og innheimt

Í lögum nr. 4/1995 um tekjustofna sveitarfélaga er kveðið á um skyldu sveitarfélaga til að leggja á fasteignaskatt og heimild þeirra til að ákveða skatthlutfall innan þess ramma sem í lögunum greinir. Er Súðavíkurhreppi annars vegar nauðsynlegt að vinna persónuupplýsingar í þeim tilgangi að uppfylla lagaskyldu og hins vegar að beita því opinbera valdi sem sveitarfélagið fer með lögum samkvæmt. Heimild til þessa er í 3. og 5. tl. 1. mgr. 9. gr. persónuverndarlaga.

### Þegar sveitarfélagið sinnir lögbundnu eftirlitshlutverki

Súðavíkurhreppur vinnur með ýmsar persónuupplýsingar í þágu lögbundins eftirlits, s.s. á grundvelli skipulagsлага nr. 123/2010 og mannvirkjalaga nr. 160/2010. Er vinnsla persónuupplýsinga í þessum tilfellum iðulega nauðsynleg til að uppfylla lagaskyldu sem hvílir á sveitarféluginu og beita því opinbera valdi sem það fer með lögum samkvæmt. Heimild til þessa er í 3. og 5. tl. 1. mgr. 9. gr. persónuverndarlaga. Þannig er megin tilgangur vinnslu persónuupplýsinga af hálfu skipulagsfulltrúa og byggingarfulltrúa að sinna lögbundnu eftirliti með framkvæmda- og byggingarleyfisskyldum framkvæmdum.

Vakin er athygli á því að mál sem eru til vinnslu af hálfu skipulagsfulltrúa og byggingarfulltrúa eru tekin fyrir á fundum Skipulags-, byggingar-, umhverfis- og samgöngunefndar og birtast upplýsingar um afgreiðslu þeirra í fundargerðum á netinu. Í fundargerðum kunna því að birtast nöfn umsækjenda og framkvæmdaraðila, s.s. húseigenda, landeigenda, lóðarhafa og annarra hagaðila, þ.m.t. byggingarstjóra, hönnuða og iðnmeistara. Einnig kunna aðrar upplýsingar að birtast í fundargerðum sem gefnar eru upp í umsóknum um framkvæmda- og byggingarleyfisskyldar framkvæmdir. Þá kann málum Skipulags-, byggingar-, umhverfis- og samgöngunefndar að vera vísað til sveitarstjórnar til



afgreiðslu og staðfestingar. Nefndar upplýsingar kunna því einnig að birtast í fundargerðum sveitarstjórnar á netinu.

Framangreindar upplýsingar eru birtar í þeim tilgangi að efla og auka gagnsæi í stjórnsýslu sveitarfélagsins við meðferð opinberra hagsmuna. Vinnslan byggir því á nauðsyn vegna almannahagsmuna þar sem íbúar hafa hagsmuni af því að gagnsæi ríki í allri ákvarðanatöku við ráðstöfun opinberra hagsmuna. Heimild til þessa er í 5. tl. 1. mgr. 9. gr. persónuverndarlaga.

#### Þegar sveitarfélagið birtir fundargerðir og fylgigögn við fundargerðir

Súðavíkurhreppur stuðlar að auknu gagnsæi við meðferð og afgreiðslu mála og gerir viðeigandi ráðstafanir til þess að stjórnsýsla sveitarfélagsins sé opin. Einn liður í því er að veita almenningi með reglubundnum hætti upplýsingar um starfsemi sveitarfélagsins með birtingu fundargerða og fylgigagna þeirra á vefsíðunni [www.sudavik.is](http://www.sudavik.is).

Birtar fundargerðir og fylgigögn kunna að innihalda persónuupplýsingar málsaðila, umsækjenda, íbúa og annarra einstaklinga. Persónuupplýsingar kunna því að vera birtar í þeim tilgangi að efla og auka gagnsæi í stjórnsýslu sveitarfélagsins. Súðavíkurhreppur byggir vinnsluna annars vegar á nauðsyn til þess að uppfylla lagaskyldu en í 13. gr. upplýsingalaga nr. 140/2012 er meðal annars kveðið á um skyldu stjórvalda til þess að veita almenningi með reglubundnum hætti upplýsingar um starfsemi sína. Þá byggir sveitarfélagið vinnsluna sömuleiðis á nauðsyn vegna verks sem unnið er í þágu almannahagsmuna eða við beitingu opinbers valds sem sveitarfélagið fer með. Heimild til þessa er í 3. og 5. tl. 1. mgr. 9. gr. persónuverndarlaga.

Samkvæmt verklagi eru öll skjöl yfirfarin áður en þau eru birt m.a. til þess tryggja að birting samræmist lögum sem gilda um starfsemi sveitarfélagsins, þ.m.t. upplýsingalögum og persónuverndarlögum.

#### Þegar einstaklingur sendir okkur umsögn eða athugasemd við skipulag í kynningu

Súðavíkurhreppur notar þær persónuupplýsingar sem settar eru fram vegna umsagna/athugasemda við skipulag, s.s. nafn, kennitölu og netfang til þess að vinna úr umsögnum/athugasemnum og auðkenna bæjarbúa. Tilgangur vinnslunnar er að tryggja lögbundið samráð við gerð skipulagsáætlana. Sveitarfélagið byggir vinnsluna á nauðsyn vegna lagaskyldu en í skipulagslögum nr. 132/2010 er meðal annars kveðið á um lögbundna þjónustu við skipulagsmál. Heimild til þessa er í 3. tl. 1. mgr. 9. gr. persónuverndarlaga.

Allar ákvarðanir um skipulagsbreytingar eru staðfestar af Skipulagsstofnun. Að auglýsingaferli loknu miðlar sveitarfélagið því öllum viðeigandi gögnum, þ.m.t. framangreindum persónuupplýsingum, til Skipulagsstofnunar í þágu staðfestingarferlis. Byggir sú vinnsla á nauðsyn vegna lagaskyldu en á grundvelli skipulagslaga nr. 132/2010 er sveitarfélaginu skilt að afhenda Skipulagsstofnun umræddar upplýsingar. Heimild til þessa er í 3. tl. 1. mgr. 9. gr. persónuverndarlaga.

Að auglýsingaferli loknu eru gögn varðveitt í 30 ár og flyttast að þeim tíma liðnum til Héraðsskjalasafns Ísafjarðar skv. lögum nr. 77/2014 um opinber skjalasöfn.

Vakin er athygli á því að umsagnir/athugasemdir við skipulag teljast til opinberra gagna í allri skipulagsmeðferð. Því kunna meðal annars nöfn bæjarbúa og eftir atvikum efni athugasemda/umsagna að birtast í skjölum á vefsíðu sveitarfélagsins, þ.m.t. í fundargerðum sveitarstjórnar og nefnda á netinu. Upplýsingar eru birtar í þeim tilgangi að efla og auka gagnsæi í stjórnsýslu sveitarfélagsins og byggir vinnslan á nauðsyn vegna almannahagsmuna þar sem íbúar hafa hagsmuni af gagnsæju samráðsferli við gerð skipulagsáætlana. Heimild til þessa er í 5. tl. 1. mgr. 9. gr. persónuverndarlaga.



## Þegar einstaklingur gengur inn á svæði sem eru vöktuð með öryggismyndavélu (rafræn vöktun)

Ýmis mannvirki Súðavíkurhrepps eru vöktuð með öryggismyndavélu í öryggis- og eignarvörsluskyni. Má þar sem dæmi nefna hafnarsvæði Súðavíkurhafnar, geymslusvæði Súðavíkurhrepps og sorpmóttöku sveitarfélagsins. Þeir einstaklingar sem heimsækja vöktuð mannvirki kunna því að vera teknir upp á mynd. Vinnsla á þeim upplýsingum sem safnast með myndeftirliti byggir á lögmætum hagsmunum sveitarfélagsins. Heimild til þessa er í 6. tl. 1. mgr. 9. gr. persónuverndarlagi. Á Súðavíkurhöfn er tilgangur rafrænnar vöktunar einnig að tryggja hafnargæslu, hafnarvernd og siglingavernd. Byggir vinnsla upplýsinga í því skyni á nauðsyn vegna lagaskyldu en í 16. gr. reglugerðar nr. 265/2008 um framkvæmd siglingaverndar er myndavélavöktun á hafnarsvæði heimilt í þágu eftirlits með hafnaraðstöðu. Heimild til þessa er í 3. tl. 1. mgr. 9. gr. persónuverndarlagi.

Persónuupplýsingar þær sem safnast með notkun öryggismyndavéla eru ekki afhentar þriðja aðila, öðrum en löggreglu, nema með skýru samþykki þeirra sem eru á myndupptöku hverju sinni, eða ef lagaskylda kveður sérstaklega á um slíka afhendingu. Persónuupplýsingar sem verða til við rafræna vöktun eru varðveisittar eins lengi og nauðsynlegt er, þó aldrei lengur en í 30 daga nema lög heimili hverju sinni.

## **Hversu lengi geymir Súðavíkurhreppur persónuupplýsingar um þig?**

Súðavíkurhreppur varðveitir gögn á grundvelli laga nr. 77/2014 um opinber skjalasöfn og eftir atvikum öðrum lagaákvæðum sem gilda um vistun gagna sveitarfélagsins. Súðavíkurhreppur er afhendingarskyldur aðili á grundvelli framangreindra laga um opinber skjalasöfn og er því óheimilt að farga eða eyða nokkru skjali sem fellur undir gildissvið laganna, nema með sérstakri lagaheimild eða heimild þjóðskjalasafns. Almennt eru persónuupplýsingar því afhentar héraðsskjallasafni Ísafjarðar að 30 árum liðnum.

## **Frá hverjum safnar sveitarfélagið þínnum persónuupplýsingum?**

Við söfnum persónuupplýsingum frá þér og í vissum tilvikum eru persónuupplýsingar fengnar frá þriðja aðila, t.d. Húsnæðis- og mannvirkjastofnun, Þjóðskrá og Ríkisskattstjóra. Þá kann okkur að vera nauðsynlegt að afla tiltekinna upplýsinga um rétt einstaklinga til framfærsluúrræða frá Velferðarsviði Ísafjarðarbæjar en Ísafjarðarbær annast rekstur félagsþjónustu fyrir alla Vestfirði sem leiðandi sveitarfélag á því sviði og kemur fram sem sameiginlegur ábyrgðaraðili að vinnslu persónuupplýsinga í tengslum við útgreiðslu samþykktar umsókna um fjárhagsaðstoð og sérstakan húsnæðisstuðning. Einungis er aflað upplýsinga frá Ísafjarðarbæ sem eru nauðsynlegar í því skyni að greiða út samþykktar umsóknir um fjárhagsaðstoð og sérstakan húsnæðisstuðning.

## **Hvenær miðlar Súðavíkurhreppur persónuupplýsingum þínnum til þriðju aðila og af hverju?**

Súðavíkurhreppur kann að veita þriðju aðilum, sem veita sveitarfélaginu upplýsingatæknibjónustu og/eða aðra þjónustu sem tengist vinnslu og er hluti af rekstri Súðavíkurhrepps, aðgang að persónuupplýsingum sem unnið er með, s.s. hýsingaraðila.

Þessir aðilar kunna að vera staðsettir utan Íslands. Súðavíkurhreppur miðlar þó ekki persónuupplýsingum utan Evrópska efnahagssvæðisins nema slíkt sé heimilt á grundvelli viðeigandi persónuverndarlöggjafar, s.s. á grundvelli staðlaðra samningsskilmála, samþykkit viðkomandi einstaklings eða auglýsingar Persónuverndar um ríki sem veita persónuupplýsingum fullnægjandi vernd.

Komi til innheimtuaðgerða vegna kröfu Súðavíkurhrepps getur jafnframt þurft að miðla persónuupplýsingum til innheimtuaðila.



Persónuupplýsingar kunna jafnframt að vera afhentar þriðja aðila að því marki sem heimilað er eða krafist er á grundvelli viðeigandi laga, stjórnvaldsfyrirmæla, reglna eða til að bregðast við löglegum aðgerðum eins og húsleitum, stefnum eða dómsúrskurði.

Á grundvelli lagaskyldu er Súðavíkurhreppi þannig t.a.m. skylt að skila upplýsingum til Héraðsskjalasafns Ísafjarðar. Þá er ýmsum upplýsingum er tengast lögbundinni þjónustu á sviði skipulagsmála miðlað til Skipulagsstofnunar og upplýsingum um byggingarleyfisskyldar framkvæmdir til Húsnæðis- og mannvirkjastofnunar.

Súðavíkurhreppur vill benda þér á að þegar þú ferð inn á eða hefur samband við okkur í gegnum samfélagsmiðlasíður okkar, t.d. Facebook síðu sveitarfélagsins, þá gæti verið að veitendur samfélagsmiðlaþjónustunnar fái aðgang að upplýsingum og hvetjum við þig til að kynna þér vel persónuverndaryfirlýsingar þeirra.

### Öryggi og persónuupplýsinga og tilkynning um öryggisbrest

Öryggi í vinnslu persónuupplýsinga er Súðarvíkurhreppi mikilvægt og hefur sveitarfélagið gripið til viðeigandi tæknilegra og skipulagslegra öryggisráðstafana til að tryggja vernd persónuupplýsinga þinna í takt við stefnu okkar um öryggi, þ.m.t. með viðeigandi aðgangsstýringum.

Komi upp öryggisbrestur sem varðar þínar persónuupplýsingar, og teljist slíkur brestur hafa í för með sér mikla áhættu fyrir frelsi og réttindi þín, munum við tilkynna þér um það án ótilhlýðilegrar tafar. Í þessum skilningi telst öryggisbrestur atburður sem leiðir til þess að persónuupplýsingar þínar glatist eða eyðist, þær breytist, séu birtar eða óviðkomandi fái aðgang að þeim í leyfisleysi.

### Réttindi þín

Með fyrirvara um þau skilyrði sem nánar er fjallað um persónuverndarlögum, átt þú rétt á að:

- fá upplýsingar um hvaða persónuupplýsingar sveitarfélagið hefur skráð um þig og uppruna þeirra, sem og upplýsingar um hvernig unnið er með persónuupplýsingar um þig,
- fá aðgang að og afrit af öllum persónuupplýsingum sem við vinnum um þig, standi hagsmunir annarra því ekki í vegi, s.s. vegna réttinda annarra sem skulu vega þyngra eða óska eftir að þær séu sendar til þriðja aðila,
- óska þess að rangar, villandi eða ófullkomnar persónuupplýsingar um sæti leiðréttingu, lokað verði fyrir notkun þeirra eða þeim eytt, eftir því sem lög nr. 77/2014 um opinber skjalasöfn heimila,
- koma á framfæri andmælum ef þú vilt takmarka eða koma í veg fyrir að persónuupplýsingar þínar séu unnar,
- fá upplýsingar um það hvort fram fari sjálfvirk ákvarðanataka, og þá á hvaða rökum slík ákvarðanataka er byggð og endurskoðun á sjálfvirkri ákvarðanatöku,
- afturkalla samþykki þitt um að sveitarfélagið megi safna, skrá, vinna eða geyma persónuupplýsingar þínar, þegar vinnsla byggist á þeirri heimild. Afturköllun samþykks skal ekki hafa áhrif á lögmaði vinnslu á grundvelli samþykks fram að afturkölluninni.

Viljir þú nýta rétt þinn getur þú sent skriflega beiðni á [personuvernd@sudavik.is](mailto:personuvernd@sudavik.is). Við munum staðfesta móttöku á beiðninni og að jafnaði bregðast við innan mánaðar frá móttöku beiðni. Verði ekki unnt að bregðast við innan mánaðar munum við tilkynna þér um töf á afgreiðslu innan mánaðar.

Beiðnir um afrit af persónuupplýsingum sem Súðavíkurhreppur vinnur um þig skulu afmarkaðar við tiltekin gögn eða tiltekin mál, sbr. 15. gr. upplýsingalaga nr. 140/2012.



Ekki er innheimt gjald þegar einstaklingar nýta rétt sinn í samræmi við ofangreint, nema í þeim tilvikum sem beiðni telst óhófleg eða augljóslega tilefnislaus. Það skal vera sveitarfélagsins að sýna fram á að beiðni sé tilefnislaus eða óhófleg samkvæmt 17. gr. persónuverndarlaga.

Þú hefur einnig rétt til að leggja fram kvörtun hjá Persónuvernd sjáir þú ástæðu til þess. Upplýsingar um Persónuvernd má finna á heimasíðu stofnunarinnar, [www.personuvernd.is](http://www.personuvernd.is).

#### Frekari upplýsingar

Ef þú vilt fá frekari upplýsingar um málefni sem snúa að þínnum persónuupplýsingum þá bendum við þér á að hafa samband við persónuverndarfulltrúa Súðavíkurhrepps í gegnum netfangið [personuvernd@sudavik.is](mailto:personuvernd@sudavik.is).

#### Yfirferð og endurskoðun persónuverndaryfirlýsingar Súðarvíkurhrepps

Persónuverndaryfirlýsing Súðavíkurhrepps er endurskoðuð reglulega og uppfærð ef tilefni er til. Síðast var yfirlýsingin uppfærð þann 23. júní 2023.

Fyrir hönd Súðavíkurhrepps,

Bragi Thoroddsen  
Kt. 030269-4529  
Bragi Þoroddsen – sveitarstjóri Súðavíkurhrepps.  
Grundarstræti 5 - 5  
420 Súðavík